

զոր և քահանայք և միաբան ժողովուրդք մեծաւ խնդութեամբ զգեստաւորելով, խաչիւ և աւետարանաւ շրջեցան զբոլոր քաղաքն և զեկեղեցիք նոցա: Բայց Ըռուզ ազգն չմիաբանեցան, և ոչ կամեցան զայս ուրախութիւնս կատարել, վասն նախանձու սրտից իւրեանց, զոր ի սկզբանէ թշնամիք են թագաւորիս և ամենայն քրիստոնէից ազգին. զոր հատուցէ Տէր ըստ սրտից նոցա:

1579. ԹՎ. ՌԻԸ, և օգոստոսի ԻԲ. Բազում և անթիւ մարախ եկաւ, վասն ծովացեալ մեղաց իմոց:

1581-2. ԹՎ. ՌԼ. Շինեցաւ պլանքաներն, Ըռզի խապախն:

1581-2. ԹՎ. ՌԼ. Տէր Աքսենդն ծեր քահանայ առ Աստուած փոխեցաւ. զոր Աստուած արժանի առնէ ընդ սուրբ քահանայիցն դասս, և էր 90 աւաց. և 58 ամ քահանայութեան արաւ ի Ս. Նիկիոյայ եկեղեցի:

1582. ԹՎ. ՌԼԱ. Մարտի ԺԵ. օրն երկուշաբթի. Ի Կամինից քաղաքն մեծ ուրախութիւն կատարեցին. այսինքն է որ կոչի Լեկտամոնս (լատին. lætamus, ուրախ լիցուք). վասն զի թագաւորն մէր Ստեփանոս՝ Աստուծոյ կարող զօրութեամբ հնազանդեցոյց զՄոսկովի քնազն. որ և զամենայն աշխարհն Մոսկովի հրկիզ արար և ջնջեաց, և բազում բերդ էառ ի Մոսքովէն: Յետոյ ոչինչ չկարաց առնել Մոսքովի գնեաղն. այլ հրեշտակութիւն առաքելով զմեծ փախան զՀռոմայ, զի հաշտեցի թագաւորն Ստեփանոս ընդ քնեաղին Մոսկովի. և մեծ փափն Հռոմայ՝ փոխանակ իւր առաքեաց զմեծ Կարտնալն իւր՝ մեծաւ փարթամութեամբ, զի եկն և խաղաղացոյց զերկու թագաւորն, որ հաշտեցան ընդ միմեանս, և երգմամբ ուխտիւ հաստատեցին զյաւիտենական խաղաղութիւն յորդեաց որդիս և ազգաց յազգս: Եւ որչափ այս թագաւորն Ստեփանոս այս հեծելութեան վերայ խաղնաւ և մալ խարճել էր, զայդ ամենայն նմա վճարեց այս Մոսքովի քնեաղն. և զԻֆլանդն՝ որ է մամլաքաղն (վիճակ, գաւառ) Նեմեցին, զամենայն բովանդակն դարձոյց Ստեփանոս թագաւորին. և էր թուով 130 բերդ. զայդ ամենայն էառ ընդ իշխանութեամբ թագաւորն Ստեփանոս: Վասն որոյ Քրիստոսի Աստուծոյ մարդասիրին փառք և պատիւ յաւիտեանս. ամէն:

1582-3. ԹՎ. ՌԼԱ. Եանգով պարոն Օլախաց երկրին՝ Հպարտացաւ ընդդէմ թագաւորին Ստեփանոսին, և զծածուկ թղթերն ուժով էառ ի չափուչին ձեռացէն, և երաց և ընթերցաւ. վասն այն պատճառի համար զինքն եհան ի յերկրէն՝ խոնդիքարի հրամանաւն, և նա եկն ի Լով քաղաքն. և թագաւորն Ստեփանոս գնա զլխատել ետ:

1582-3. Հայոց ԹՎ. ՌԼԱ. Նոյեմբեր ամսոյն. Բեթր Օլախի երկրի պարոն՝ զոր հանել էին ի տէրութենէն զինքն, այս վերադոյն գրեալ Եանգուլ պարոնին պատճառաւ, զոր հայցել էր ի խոնդիքարէն, որ փոխանակ Բեդրի նստցի այս՝ Եանգուլս. զոր և խոնտիքարն յաղագս խնդրելոյ նորա կոչեաց